

Athör cī Paulo gät kɔc Roma Wēt nom

Athör Paulo tēnē kɔc Roma ē gēt rin bī ke lēk lɔn cī yen ye guir bī akut kɔc cī gam Roma la neem. Ee cī Paulo guir bī lōk la rēer bī luui kam kɔc cī gam tētui, ku bīk jāl kuony dhöl bī la Ithpania. Acī gēt bī kɔc cī gam Roma tēt kē ŋic rin gam, ku tē ye gam pīr kɔc cī gam luoi thīn. Athör kēnē ala yic wēt ril yen gēt Paulo athöör rin Wēt Puəth Yam.

Wēn cī yen akuut kɔc cī gam Roma muöth ku lēk ke lɔn ē yen rōök rienken, ku jəl göc wēt lēk ke elä, “Wēt Puəth Yam aye nyuöth tē ye Nhialic kɔc kuony thīn bīk la cök yenhom.” Ku kēnē aye Nhialic jōk ku rēer thīn kēya rin gam ē raan, cimēn ye athör thēer wēl Nhialic ye lueel elä, “Ku raan la cök Nhialic nom abī pīr ē gam.” (1:17)

Ku jəl Paulo ē göc kēnē teet. Raan ebēn, kɔc Itharel ku kɔc cie kɔc Itharel, aa dhil la cök tēnē Nhialic rin keek ebēn aatō adumuööm yic. Kɔc aa la cök tēnē Nhialic tē gem kek Jethu Krītho. Ku ben Paulo män rot kek Jethu raan cī lɔc ku dɔc, yen pīr ē yam teet, lɔn raan cī gam ala döör ke Nhialic. Ku aye Wēi Nhialic bēēi bei riēl adumuööm yic ku thou. Cökdīt ē 5 yet 8; Paulo acī jam aya rin lōŋ Nhialic, ku riēl Wēi Nhialic rot nyuöth pīr raan cī gam yic. Ku gēt Paulo lɔn ye kɔc Itharel ku kɔc cie kɔc Itharel nhīm thōŋ kē cī Nhialic guir tēnē raan ebēn yic.

Ku wit wētde lɔn kuc cī kɔc Itharel kuc Jethu ē luoi Nhialic, rin yen ē tē bī raan ebēn cəl ayök dhēēŋ Nhialic dhēl Jethu raan cī lɔc ku dɔc. Ku aye

Paulo njic lön cii koc Itharel bi la tuen ke kuc Jethu akolaköl. Ku jal Paulo gät ciëen tē dhil raan ci gam pür thin, ku nhiër bi raan koc kök nhiaar. Paulo aci käril gät ke ye luaside tēnē Nhialic, ku luai raan ci gam tēnē baai ku tēnē raan dēt, ku puön la cök njic kēpath ku kērac. Ku thik athör ci gät cök muöth ku wël læc tēnē Nhialic.

Käk tō thin

Wēt nom ku göc 1:1-17

Kē wic raan bi pür 1:18–3:20

Dhël Nhialic rin pür 3:21–4:25

Pür yam rin Raan ci lóc ku dác 5:1–8:39

Koc Itharel è guiër Nhialic yic 9:1–11:36

Njic ciεη raan ci gam 12:1–15:13

Thök è wēt ku muöth 15:14–16:27

¹ Ee yen Paulo alony Jethu Kritho. Yen raan ci Nhialic cöl ba ya atuuc ba Wēt Puöth Yam luεεl.

² Wēt Puöth Yam, ee wēt ci Nhialic thön thεεr, ku ëci koc kärke tñj lueel tēcīt tē ci gät ye wël thεεr Nhialic yiic.

³ Wēt yam kēnē è wēt Wēn Nhialic ci bēn a raan kuat Bēnyñaknhom Debit. ⁴ Ku Jethu aci nyuöth è Wēi Nhialic ke ye Bānyda, Wēn ril Nhialic, wäär jöt ye bei ran yic. ⁵ Ku è rienke yen aci Nhialic yen yiék dhēñde ku cöl yen aye atuny Jethu, ku ba koc pinynhom ëbēn cie koc Itharel cöl bik gam ku thekkē Nhialic. ⁶ Ku wek koc ci gam tō Roma aya, wek aaci Nhialic cöl bāk aa koc Jethu raan ci lóc ku dác.

⁷ Kēya, yen agēt tēnē we ëbēn, wek koc nhiεεr Nhialic, ci ke cöl bāk aa kacke, Bi Nhialic Wāda ku Bēny Jethu we tuöc dhēñj ku döör.

Anjōth Paulo lōn bī yen la Roma

⁸ Tuen, γεν alec Nhialicdiē rin Jethu raan cī lōc ku dōc ē riēnkun, rin kōc ēbēn pinynhom aaci gamdun ηic ēbēn. ⁹ Nhialic yen luōōi piāndiē ye γεν kōc lēk Wēt Puōth Yam cī Wēnde lēk kōc, aηic tē ye γεν we ¹⁰ tak thīn akōlakōl ē rōōkkiē yiic. γεν ē rōōk lōn bī Nhialic γa puōl tē wīc yen ye ba we la neem. ¹¹ Rin awiēc apeidit ba we la tīη ku ba we gām athiēi Wēi Nhialic bāk riel ē gamdun yic. ¹² Ku kē luēel akīn, rin bī gamda we ku γεν γo dēet puōth γodhie. ¹³ Awiēc bāk ηic miēthakāi lōn ē ca guiir arak juēc ba la tēnē we, ku ala kēn ye γεν gēl ba cīi la. Ee wiēc ba la tēnē we ba kōc kōk lēk bīk gam kamkun aya, cīmēn le γεν kōc kōk pinynhom cī gam cie kōc Itharel.

¹⁴ Rin ala kē cī yiēk γa ba dhiel looi tēnē kōc ēbēn, kōc peth ciēη ku kōc rēec ciēηden, ku tēnē kōc cī piōc ku kōc kēc piōc. ¹⁵ Ku ē wēt kēnē yen awīc γεν ye apeī ba we dhiel lēk Wēt Puōth Yam wek kōc rēēr Roma aya.

Riel Wēt Puōth Yam

¹⁶ γεν acie guōp ē yār Wēt Puōth Yam, rin ē yen riel Nhialic kōc cī ye gam kony, kōc Itharel ku kōc pinynhom cie kōc kōk Itharel aya. ¹⁷ Ku Wēt Puōth Yam aye nyuōth tē ye Nhialic kōc kuōny thīn bīk la cōk yenhom. Ku kēnē aye Nhialic jōak ku rēēr thīn kēya rin gam ē raan, cīmēn ye athōr thēer wēl Nhialic ye luēel ēlā, “Ku raan la cōk Nhialic nhom abī pīr ē gam.”

Awuōc ē raan

18 Rëëc puöu ë Nhalic ë rot nyuöoth pan Nhalic tënë kɔc man Nhalic. Ku käreç yekë ke looi aa yic gël bī cīi cɔl anjic. 19 Nhalic ë puöu rëëc tënë ke rin kē lëu raan bī njic rin Nhalic ala gëi apëi, aci Nhalic tääu raan ëbën puöu bī njic. 20 Tëthëer γον cək Nhalic nhal ku piny, alëu raan ëbën bī njic ë gai lɔn riel Nhalic ë rëër thīn akölrïëëc ëbën, ku yeen ë Nhalic alanden. Käjuëckä aacie tīj ku aaye njic rin käjuëc cī Nhalic cak. Këya, acīn kē kəŋ kek röt kony. 21 Keek aake njic Nhalic ku njot ke kuec bīk cīi dor. Ku kueeckë bīk cīi gëm alëcnden ë yen Nhalic. Ku jəl kākken yekë tak ciënkë konykë ku la piäthken bīth. 22 Na cək alɔn ye kek ye lueel lɔn njic kek kəŋ, ku acīn kē njickë. 23 Ku lɔn bī kek ye aa door ë Nhalic pīr akölrïëëc ëbën, ka yekë ke door kək cīi pīr ku raan ë thou. Ku kək cī kiëët ke cīt diet ku lääi. Ku kākək wuc piiny keyöth cīmën käpieny.

24 Ku rin ë kënë, aci Nhalic ke puöl bīk aa luui käreç wīc piäthken, kək la bīth. Ku wīcwīc ë diäär ku kākək yekë ke looi kamken kək kɔc cɔl ayär gup. 25 Ku lɔn bī kek kën yic njickë rin Nhalic gam, ka yekë gam ë lueth ku yekë ke door kək ke cək Nhalic, ku kueeckë Aciëŋ yen cak kākä yen dhil ya door akölrïëëc ëbën. Yenakan.

26 Ku ë yen aci Nhalic ke puöl bīk aa luui käreç kɔc yöör gup. Ayī diäärken aya aci tē cī kɔc cak thīn puöl, ku aa röt lööm ë röt. 27 Këlä aya, röör aci təc ye kek təc kek diäär, cīt tē cī kɔc cak thīn puöl, ku rum bal kepuöth bīk ke aa lööm röör kək cīt ke. Röör tuil röör kək, ku yekë käreç cīt kākä looi, aaye tēm awuöc thöŋ kek käreç yekë ke looi. Kək kēc puöl

bī ke aa looi këya.

²⁸ Ku yeen aya rin cī kek kuc bīk yiny Nhialic cīi ŋic, aaci Nhialic puɔl aya bīk aa tak käreɕ ku yekë luui käreɕ cīi ke lëu bī raan ke looi. ²⁹ Ku aaci puɔth thiän kuat käreɕ apɛi, adumuɔm, kook ku kɔɔr. Ku aaci puɔth thiän aya ë tiɛl, nääk, thör, ruëeny ku kuith, ku aa luum. ³⁰ Ku aa kegup tör lueth ku aa man Nhialic. Aa kɔc nhiam, kɔc dhäl kɔc gup cīn gup athëk. Kɔc tak dhöl juëc bī kek käreɕ looi. Kɔc cie kɔc ke dhiëth ke ë theek. ³¹ Kɔc cīn gup nhīm, kɔc kädän gam ku cīk loi. Kɔc cīn puɔth cie yiic ë ŋɛɛr raandä. ³² Cɔk alɔn ŋic kek ye lɔn käreɕ yekë ke looi, alëu ke bī Nhialic ke tēm thou, ke keek aacie käckä ë looi kepɛc, aa kɔc kɔk ke looi lɛc nhīm aya.

2

Lun Nhialic

¹ Yīn acīn tē bī yīn rot kony tē luk yīn kɔc kɔk wei. Rin tē ye yīn kɔc kɔk lušk wei, ku loi kăwën yekë ke looi aya, ke yīn ë rot dɔm ë rot.

² Ku ëmën anicku lɔn Nhialic ala yic tē luk yen kɔc wei, kɔc käckä looi. ³ Ku na ye kɔc lušk wei, yīn raan ë path, ku ŋot yī loi ë käckä, ke ye tak lɔn bī yīn lun Nhialic ban? ⁴ Tëdët aya, yīn ë kăjuëc rëër piath Nhialic yiic cīmën piathden dīt, gum, ku lăäu ë puɔu yɔɔŋ yiic, rin akuc lɔn aye piath Nhialic nyooth ba yīpuɔu dhušk ciëen. ⁵ Ku riɛl ë nhom, ku rin cī yīn kuc ba yīpuɔu cīi dhuk ciëen abä awäcdu juak yic aköl bīi riääk puɔu Nhialic, ku tē bī yen ŋiɛc luk thīn abī rot nyuɔth. ⁶ Rin Nhialic abī ŋek a gäm kë thöŋ kek tē cī yen luui thīn. ⁷ Kɔc

bī kepuōth dæet ku luuikē kāpath ku wickē duaar, læc ku pīr akōlakōl, aabī Nhialic gām pīr akōlriēec ēbēn. ⁸ Ku kɔc ke looi kāk wīc piāthken ku kueckē yic ku buōthkē kāreɕ jəŋrac, aabī Nhialic puəu riāāk tēnē ke. ⁹ Kɔc ēbēn ē luui kāreɕ aaba arɛem ku gum rac apɛi yök. Ku abī rot kaŋ looi tēnē kɔc Itharel, ku tēnē kɔc cie kɔc Itharel aya. ¹⁰ Ku Nhialic abī duaar ku læc ku dōör gām kɔc luui kāpath, tueŋ tēnē kɔc Itharel ku jəl aa kɔc kōk cie kɔc Itharel, ¹¹ rin Nhialic ē luk ŋiɕ looi tēnē kɔc ēbēn.

¹² Ku kɔc cie kɔc Itharel kuc lōŋ Mothith, ku aa kāreɕ looi luk abī looi tēnē ke cək alɔn kuc kek lōŋ. Ku kɔc Itharel aa ŋic lōŋ Mothith, aa kāreɕ looi ku luk aye looi tēnē ke tēcīt tē ye lōŋ ye luɛel thīn. ¹³ Rin acie pīŋ ē lōŋ yen kɔc cəl aye kɔc path tēnē Nhialic, aa kɔc ye looi kē ye lōŋ lueel kek aabī ya kɔc la cök Nhialic nhom. ¹⁴ Ku ē yic, kɔc kōk cie kɔc Itharel cīn lōŋ, tē looi kek kēdāŋ tēcīt tē ye lōŋ tō kepuōth ē path ye luɛel thīn, ke keek aa cīt kɔc la lōŋ cək alɔn cīn kek lōŋ Mothith. ¹⁵ Tē ye kek luui thīn aye nyuōth lɔn kāk wīc lōŋ aaci gōt kepuōth, aa kāpath ku kāreɕ yekē ke looi ŋic rin aaye piāthken nyuōth ke. ¹⁶ Ku kēlā aya, cimēn Wēt Puōth Yam ya lēk we, yen ē kē bī rot looi akōl luk tē bī Jethu Krītho luk looi rin Nhialic tēnē kɔc ēbēn, ŋek kek kēden cī thiaan yeyic.

Kɔc Itharel aacie lōŋ ye theek

¹⁷ Ku yīn emēn, yīn ē rot cəl aye raan Itharel, ku yīn ē rot cəl aye raan muk lōŋ, ku ye jam nhiaam lɔn ye yīn raan Nhialic. ¹⁸ Yīn aŋic kē wīc Nhialic ba looi ku yīn aŋic yic rin cī lōŋ ye lēk yī. ¹⁹ Aca gam lɔn yīn awat kɔc cī cōər nhūim, ku yīn ē ruel tēnē kɔc

tö muöth yic, ²⁰ ku yin ë kac piöc, kac kuc käh, ku yin ë raan piöc mith. Ku rin le yin löh aye tak lön njic yin käh ebën. ²¹ Yin ë kac kök piöc yenö cii yin rot ye piöc? Yin ë kac wëët elä, “Duökkë ye cuëer.” Ku yin cii ë cuär ë yienhdu? ²² Aye lueel, “Duökkë ye köör.” Cii akər ye looi? Yin aman jak ci kiëët, cii kəpuəth tö yüik jak ci kiëët yiic ye rum? ²³ Yin ë jam nhiaam lön njic yin löh Nhialic, cii Nhialic ye dhöl guöp tē cii yin löhde loi? ²⁴ Aye athör thær wël Nhialic lueel elä, “Kac cie kac Itharel aa käreç lueel Nhialic guöp ë rienkun.”

²⁵ Ciëeη kac Itharel ye ke ηoot ë piath tē theek kek löh, ku na cii löh thek ke yin acit raan këc ηoot. ²⁶ Na raan cie raan Itharel këc ηoot, raan cii kë wïc löh ë dhöl yic, cii bi ciët kac ci ηoot? ²⁷ Ke wek kac Itharel wek aabi kac këc ë ηoot, ku aa löh theek ya yök lön acin raan bäk gök, tē le we tēm awuöc rin wek aacie löh ye theek, cök alön njic wek kë ci göt ku ηot we.

²⁸ Yeηa yen raan Itharel ayic, yen ci ηoot? Acie raan yeke ηuöt tih yeguöp ë path yen ya raan Itharel. ²⁹ Raan Itharel guöp, ee ya raan yepuöu alönthin ci piände ηoot Wëi Nhialic, ku acie löh ci göt. Ku raan kënë acie læc yök tēnë kac, aye yök tēnë Nhialic.

3

Nhialic acie athönde ye waar yic

¹ Ye këpuəth nen wër kac Itharel kac cie kac Itharel? Tëdët ye këpiath ηö ye yök ηuöt yic?

² Käjuëc aaye yök ayic! Tuen, kac Itharel aaci Nhialic thön wëtde bik muk apath.

³ Ku yeŋö bī yiëndē tē cīn kɔc kɔk Itharel gam? Bī kē cīn kek gam Nhialic cɔl awar athönde yic?

⁴ Acīī bī waar yic! Yiny Nhialic adhil tō thīn akōlakōl cɔk alɔn ye kɔc alueth. Cīmēn ye athör thēer wēl Nhialic ye lueel ēlä,
“Kēya, bī ŋic lɔn le yīn yic, wēl ye lueel yiic, ku luk yīn yic.”

⁵ Ku na käreɔc yeku ke looi ye Nhialic nyuəəth lɔn le yen cök alanden, ke yeŋö buk lueel? Buk lueel Nhialic acīn yic tē tēm yen ɣo awuöc? (Ee tē ye kɔc jīēm thīn yen aluēl.) ⁶ Acie tēde! Na Nhialic cīī la cök ke lēu bī luk looi tēnē kɔc pinynhom?

⁷ Alēu raan dēt bī lueel ēlä, “Na ye lueth ya ke lueel yic Nhialic nyuəəth thīn alanden ku juək duarde yic, ke yeŋö ŋot ye ɣa cɔl aye raan cī kērac looi ku tēm ɣa awuöc?” ⁸ Yeŋö cīī ye luel, cīmēn ye kɔc kɔk ɣa cāk thok ku luelkē lɔn cī ɣen ye lueel ēlä, “Loiku kērac bī kēpath bēn.” Ee yic bī kɔckä tēm awuöc.

Acīn raan la cök

⁹ Kēya, ye ɣok ŋuēēn tēnē kɔc cie kɔc ē kuartda ɣok kɔc Itharel?

Acie yic! Aca nyooth wēnthēer lɔn ɣok kɔc Itharel ku kɔc cie kuartda ɣok arēēr adumuööm yic ɣodhie,
¹⁰ cīmēn ye athör thēer wēl Nhialic ye lueel ēlä,

“Acīn raan tōŋ la cök,

¹¹ acīn raan kāŋ deet yiic, acīn raan wīc yeen bī Nhialic ŋic.

¹² Kɔc aaci kekāth wēl Nhialic, keek aaci rēēc ebēn ka cī la bīth,
acīn raan kēpath looi, acīn mēn raan tök.”

13 “Wël yekë keek lueel aa nhiany, aa cīt raŋ cī
 ŋaany nhom,
 liëpken aaci luel lueth ŋic.”

“Wël yekë keek lueel aa cīt wäl këpiiny kɔc luaaŋ.”

14 “Aa wël ye kɔc lam ku wël rem apei kek aatö
 kethook.”

15 “Aa kɔc lac nök path,

16 riääk ku mam aa döŋ tē cī kek tēek thīn,

17 ku keek aaci dhël döör ŋic.”

18 “Ku riöc, riöc kek Nhialic aliu käk yekë looi
 yiic.”

19 Ku aŋicku kuat kë ye löŋ lueel, aye lueel tēnē
 kɔc la ye rin bī ciēn raan la kë kony yen rot, ku bī
 raan ebēn köc Nhialic nhom. ²⁰ Kēya, acīn raan bī
 la cök Nhialic nhom tē cək yen ye them bī kë wic
 löŋ looi. Kē ye löŋ looi ē lön bī nyuöth raan lön cī
 yen kërac looi.

Tē ye Nhialic kɔc cök thīn

²¹ Ku emēn tē ye Nhialic kɔc cök thīn yenhom aci
 nyooth. Aci löŋ ku kɔc käk Nhialic tiŋ lueel thɛɛ.

²² Nhialic ē kɔc cök tē le kek gam tēnē Jethu Kritho.
 Ee kēnē looi tēnē kuat raan ebēn cī Raan cī lɔc ku
 dɔc gam, kɔc Itharel ku kɔc cie kɔc Itharel aa thöŋ
 ebēn. ²³ Ku rin cī kek ebēn käreɛ looi, ee keek cɔl
 amec tēnē duaar Nhialic. ²⁴ Ku keek aaci Nhialic
 muöc dhëŋde piände ebēn bīk la cök tēnē ye. Ku
 dhëŋ ye yök tēnē Raan cī lɔc ku dɔc Jethu yen ē kɔc
 kony bīk käreɛ cīi loi. ²⁵ Jethu aci Nhialic gam rin
 bī thuände a kë ye adumuööm päl piny tē le raan
 gam tēnē ye. Kēnē aci Nhialic looi bī nyuöth thīn

lən le yen cök. Ku wäthεεr Nhialic ë lir puşu, ëcie kəc ye tēm awuşc rin käreç cık looi. ²⁶ Ku ëmën aci adumuşm cı looi ëbën päl piny bı nyuəəth lən le yen cök. Nhialic aci kënë looi rin le yen cök. Ku tē looi yen kënë ë raan ëbën cı Jethu gam cəl ala cök.

²⁷ Na ye këya, yenjö ye şok jam nhiaam ë path? Acın kədäñ! Ku ye wēt nən ye şok nhiam? Ye rin cı şok lönj theeç? Acie tēde, ee tē cı şok gam. ²⁸ Rin añicku raan ë la cök tənë Nhialic rin gam ku acie thək lönj ë rot. ²⁹ Ye Nhialic, Nhialic kəc Itharel kepēc? Yeen cıi ye Nhialic kəc cie kəc Itharel aya? Ee yic ë Nhialic kəc cie kəc Itharel aya, ³⁰ rin yen Nhialic tönj bı kəc Itharel cəl ala cök ë gamden, ku cəl kəc cie kəc Itharel aala cök rin gamden aya. ³¹ Yeku lönj dhöl yic tē le şok gam kënë? Acie tēde acın, şok aa lönj juak bı riël.

4

Gam Abaram

¹ Yenjö buk jäl lueel rin Abaram wundit thεεr kəc Itharel? Yenjö cı rot looi tənë ye? ² Na Abaram la kënë cı looi bı yen la cök tənë Nhialic, nuşt ala kënë ye yen nhiam. Ku acıi loi kälä tənë Nhialic. ³ Cimën ye wël cı göt athör thεεr wël Nhialic yic ye lueel ëlä, “Abaram aci Nhialic gam ku rin gamde aci Nhialic cəl ala cök tənë ye.”

⁴ Raan luui aye rişp, ku wëüu ye ye rişp aacie mişc, arişpden cı yen luui. ⁵ Ku raan cie luui la gam tənë Nhialic, Nhialic yen kəc cı käreç looi cəl aala cök, ke gamde yen ë ye cəl ala cök tənë Nhialic. ⁶ Ku Debit aci wēt thönj kek ë wēt kënë lueel wäär yen

jam rin raan mit puəu cī Nhialic gam ke la cök tēnē ye, ke cie luoi puəth ye looi,

⁷ “Kɔc mit puəth aa kɔc cī Nhialic awäcken päl piny, ku wuuny adumuöömken wei.

⁸ Raan mit puəu ee raan cī Bēny bī kuən guöp käreɔc cī looi.”

⁹ Ye miɛt puəu cī Debit jam kēn kɔc Itharel ē röt? Acie kēden kepēc. Ee kēn kɔc cie kɔc Itharel aya, ku wek aa we yeku lək kē cuk yök athör wēl Nhialic yic, rin acī wēt cī gōt thɛɛr lueel lɔn, “Abaram acī Nhialic gam, ku gamde acī yen a raan la cök tēnē Nhialic.” ¹⁰ Ye nɛn yen looi kēnē rot? Loi rot tuenj wäär kēc Abaram ɲoot aye wäär cī ye ɲoot? Ee tuenj, acie ɲuöt cök ciēen. ¹¹ Ku ɲuöt den jol ye lək ɲoot ciēen, aye nyuəth lɔn gam Abaram acī Nhialic ye gam ke ye raan la cök tēnē ye tuenj wäär kēc ye cak ɲoot. Ku kēlä, Abaram ē wundit kɔc cī Nhialic gam, ku aaye gam ke ye kɔc la cök tēnē ye cök alɔn kēc ke ɲoot. ¹² Ku yen ē wundit kɔc cī ɲoot aya. Ku acie rin cī ke ɲoot, ee rin cī kek dhēl pīr gam thōj ke pīr wāda Abaram buəth yic wäär kēc ye cak ɲoot.

Athön ku löj

¹³ Nhialic acā Abaram thɔn ku mīth bī lək dhiēeth lɔn bī pinynhom a kēden. Nhialic akēc athön kēnē looi rin theek Abaram löj, ee rin cī yen gam, ku gam yen acī yen a raan la cök tēnē Nhialic. ¹⁴ Rin na ye kē ye Nhialic thɔn kɔc gām kɔc löj theek, ke gam acin wētde yic, ku cīn kēpuəth tō

athön Nhialic yic. ¹⁵ Lönj ë rëëc puöu Nhialic bëëi, ku tɛ cïn yic lönj, acïn lönj ye dhöl yic.

¹⁶ Nhialic ë loi athönde rin gam ku rin dhëënde, bï athönde a kën yic tënë mïth bï lök dhiëëth tënë Abaram ëbën. Ku acie tënë kɔc la lönj ë röt, ee tënë kɔc cï gam aya cïmën Abaram. Rin Abaram yen ë wädan wëikua yodhie, ¹⁷ cïmën cï ye göt athör thëer wël Nhialic yiic ëlä, “Yïn aca looi ba ya wun kɔc wuöt juëc.” Abaram acï ya Wäda Nhialic nhom, Nhialic cï gam, Nhialic yen kɔc cï thou cöl aben pïr, ku wët ye lueel ke liu thïn cöl aloi rot.

¹⁸ Abaram acï gam ku njeëth kë cïn kë njöth thïn, ku yen acï yen bën a wun kɔc wuöt juëc cïmën cï Nhialic ye lëk ye ëlä, “Kockun bï lök dhiëëth aabï juëc ka bï ciët kuël.” ¹⁹ Wën cï Abaram cak dhiöp ë ruönke aa cït buööt, ku njic lönj tiënde Thara ke cï dhiöp ke këc dhiëth, ke njot këc dhör gamde yic. ²⁰ Ku rëer ke njöth ku cïi diu athön Nhialic, ku gamde acï ye bën yiëk riel ku leec Nhialic. ²¹ Ee njic, ke cïn diu lönj bï Nhialic la riel bï kë cï thön dhiël looi. ²² Ku ë yen acï Nhialic Abaram gam ke ye raan la cök tënë ye. ²³ Ku wëlkä, “Yen acï gam ke ye raan la cök,” aa këc göt rienke ë rot. ²⁴ Aake gët rienkua yok kɔc bï Nhialic gam aya ke yo la cök, yok kɔc ye gam lönj yen Nhialic yen cï Jethu Bänyda jöt thou yic. ²⁵ Yen acï cöl athou rin adumuöömkuä, ku jöt bï pïr bï yo cöl aala cök tënë Nhialic.

5

Gam yen abi yo luök

4:14 Gal 3:18

4:16 Gal 3:7

4:17 Cäk 17:5

4:18 Cäk 15:5

4:19 Cäk 17:17

4:25 Ith 53:4-5

¹ Këya rin gamda Nhialic aci ɣo cəl ala cök tənë ye, ku ɣok aala döör kek ye rin Bännya Jethu raan ci lɔc ku dɔc. ² ɣok aaci gamda cəl abii Jethu dhëen Nhialic yic, dhëen yen rëer ɣok thin emën. Ku ayeku njöth ɣo mit puöth lɔn ɣok aa duaar Nhialic rɔm kek ye. ³ Ku acie kälä rot, ɣok aa puöth miät aya tē guum ɣok, rin gum ē deet puöu bëëi, ⁴ ku gum ku deet ē puöu aye Nhialic gam. Ku gem ye Nhialic ye gam yen ē njöth bëëi. ⁵ Ku njöth acie ɣo cəl ayär gup rin ci Nhialic nhiërde cəl athiön ɣopuöth, Wëiken ci gäm ɣo.

⁶ Rin wäär not cın yen tē ye ɣok röt kuony thin, ke Raan ci lɔc ku dɔc thou rin koc kuc Nhialic aköl ci Nhialic lɔc. ⁷ Aril yic bi raan thou rin raan la cök, cök alɔn lëu yen rot bi raan dët thou rin raan path. ⁸ Ku Nhialic aci nhiër nhiër yen ɣo nyuöth ē kënë yic, rin tēwäär not ye ɣok koc la gup adumuööm, Raan ci lɔc ku dɔc aci thou rienkua. ⁹ Ku emën thuönde aci ɣo cəl ala cök tənë Nhialic. Ku na ci kënë looi, ke cii ɣo bi wëer bei ayic riän puöu Nhialic yic aköl ciën? ¹⁰ Ku wäär ye ɣok koc ater tənë Nhialic, ɣok aaci thon Wënde cəl aben döör kek ye. Ku na ye këya, ke pir Raan ci lɔc ku dɔc cii ɣo bi kony? ¹¹ Ku acie kënë ē rot, ɣok amit puöth aya tənë Nhialic rin Bännya Jethu raan ci lɔc ku dɔc aci ɣo döör ke Nhialic.

Adam ku Jethu

¹² Adumuööm aci bën pinynhom rin raan tök, ku adumuööm ci looi yen aci bën ke thou. Ku kälä, thou aci bën tənë raan ebën rin ci kek adumuööm looi ebën. ¹³ Adumuööm ē tō pinynhom wäär kéc

lõh Mothith gäm kac, ku tē cīn yic lõh tō thīn, adumuõm acie kuëc nom. ¹⁴ Ku jock Adam bī bēn Mothith, thou ē not ye tēm kac agut kac kēc lõh Nhialic dhōl yic, cīmēn wāār cī Adam wēt cī Nhialic lēk ye dhōl yic.

Adam yen ē ye kīn raan yen bī bēn. ¹⁵ Ku keek karou aacī thōh, rin miõc Nhialic cī gām kac ē path acī thōh kek adumuõm Adam. Raan tōk, Adam, acā adumuõm looi, ku acī thou bēēi tēnē kac juēc. Ku kēdīt apei aya, raan tōk, Jethu raan cī lōc ku dōc acī miõcdīt dhēēh Nhialic bēēi tēnē kac juēc. ¹⁶ Ku miõc Nhialic acī thōh kek adumuõm ē raan kēnē. Ku adumuõm tōh kēnē cōk kac juēc aacī tēm awuõc, ku adumuõm juēckā cōk, miõc tōh Raan cī lōc ku dōc Nhialic acī bēn ku cōl kac aa ben la cōk yenhom. ¹⁷ Rin adumuõm raan tōk thou acī bēn pinynhom. Ku kēdīt apei kac cī miõcdīt Nhialic yōk cī jāl la cōk, aabī mac ku pīrkē akōlriēec rin Raan cī lōc ku dōc.

¹⁸ Kēya, cīmēn ye adumuõm tōk kac cōl aa tēm awuõc ēbēn, ke kēlā aya, luoi tōh la cōk ē kac ēbēn cōl aala cōk Nhialic nom, ku bīi pīr akōlriēec tēnē raan ēbēn. ¹⁹ Ku cīmēn cī raan tōk wēt Nhialic dhōl yic, ku bī kac juēc cōl aala gup adumuõm, ke kēlā aya, rin cī raan tōk wēt Nhialic theek, kac juēc aabī la cōk. ²⁰ Lõh ē gēm ē rin bī luoi kārēc rot juak, ku tē ye kārēc rōt juak thīn, dhēēh Nhialic ē rot jāl juak apei. ²¹ Ku cīt lōn ye adumuõm kac mac ku bīi thou tēnē raan ēbēn, ke yeen aya awīc Nhialic bī dhēēnde kac mac ku looi ke bīk la cōk tēnē ye. Ku gēm ke pīr akōlriēec ēbēn rin Jethu raan cī lōc ku dōc, Bānyda.

Pir rin Jethu

¹ Yenjö buk lueel emən? Buk la tujen ke yo loi adumuössm rin bi dhëen Nhialic yeyic juak? ² Acie tädë! Acit kë ci thou tənë yo, aaci yo bi ben mac. Ye kädë bi yok la tujen yo pir kälä? ³ Rin anjickë ayic lön riel adumuössm aci dhoj köu wäär muöc yonhüm buk aa kəc Jethu raan ci löc ku döc, ku yok aaci muöc nhüm ë thuände. ⁴ Ku yeen aya, wäär muöc yonhüm, yok aa yo cit kəc ci la ranj tök yic kek ye thuände yic. Ku cimən wäär ci Raan ci löc ku döc jət thou yic duar Wun, ke yok aabi pir ë pir yam aya.

⁵ Na cuk röt mat kek ye thuände yic, ke yok aabi röt dhiel jət thou yic kek ye aya. ⁶ Rin yok aa yo ye kəc adumuössm, pirdan thær éci thou tim ci rüu köu kek Raan ci löc ku döc, bi tē ye yok kəc adumuössm ciën kë ben lēu tənë yo. Ku buk ci ben aa kəc tō adumuössm yic, ⁷ rin raan ci thou aci ben rēer riel adumuössm yic. ⁸ Na yo ci thou kek Raan ci löc ku döc, ka yeku gam aya lön bi yok pir kek ye. ⁹ Rin anjicku lön na ci Raan ci löc ku döc jət thou yic, ka ci ben thou, rin thou aci ben la riel tənë ye. ¹⁰ Aci thou arak tök rin kəc ebën bi riel adumuössm nyaai, ku piërde emən ë pir mit Nhialic pušu tənë ye. ¹¹ Kälä aya, yakë röt cöl aacit kəc ci thou tənë adumuössm, ku wek aaci pir tənë Nhialic rin Raan ci löc ku döc Jethu.

¹² Duökkë adumuössm cöl amec piërdun bāk ke aa theek käreç wic guäpkun. ¹³ Ku duökkë guäpkun päl adumuössm bi ya käreç kek yakë ke looi. Wek aa dhil röt thön Nhialic, ciët we kəc ci thou ci ben pir. Wek aa dhil guäpkun thön Nhialic ku bāk aa kocken

ye looi kë la cök. ¹⁴ Adumuössm acii we dhil mac rin wek aacii ηoot löη theer yic, wek aatö dhөөη Nhialic yic.

¹⁵ Ye kë pür yok ë dhөөη Nhialic ke cie löη, yook puöl buk adumuössm aa looi ë path? Acie tède!

¹⁶ Anjickë alanden lon na thönkë röt raan dët ku yakë theek we cit aloony, ke wek aa loony ë raan kënë cök ben adumuössm we yäth thou yic, ku këya, thekkë Nhialic bäk la cök tënë ye. ¹⁷ Lecku Nhialic, rin wek aa we ye aloony adumuössm, ke wek aaci yith yakë yök käk ye piöc tënë we yiic, gam piäthkun ebën. ¹⁸ Wek aaci wëer bei adumuössm yic, ku wek aaci ya aloony luoi käk la cök. ¹⁹ Yen ajam këlä ë path cimën tädun ye wek jiem thin, rin bi wek kë luεel deet yic. Cimën wek aa we ye guäpkun ebën thön luoi kärεc rin ci luaiden we rum puöth. Emën, wek aa dhil röt col aaye aloony käk la cök rin luoi këpath.

²⁰ Wäär ye wek aloony adumuössm, wek aa we cie diεer luoi la cök. ²¹ Yenö kën cäk yök luoi ë kakkä yiic, käk ye wek gup yär thin emën? Kakkä, ee thou yen ë yakë yök thin. ²² Ku emën, wek aaci wëer bei adumuössm yic, ku wek aaci ya aloony Nhialic. Ku piärdun ebën ë këde, ku kë yakë yök thin ë pir akölrüec ebën. ²³ Rin kë ye yök luoi adumuössm yic, ee thou. Ku miöc Nhialic ë pir akölrüec ebën rin Raan ci loc ku dεc, Jethu Bányda.

7

¹ Anjic, wek aa kë luεel deet yic miεthakäi ci gam rin wek aa ηic löη. Löη ë la riεl bi raan döm tē ηot pür yen. ² Tē thөөη yok ye, ke tin ci thiaak acii löη ye puöl bi wic mony dët. Ku na thou muonyde ka

cin löŋ ben ye gël. ³ Na wïc mony dët ke muonyde pîr, ka cî ya tin cî kœr. Ku na cî moc thou, ke löŋ gël yeen aliu. Na thiεk mony dët ka cin akœr.

⁴ Ku ë yen tēde aya tēnē we miεthakāi cî gam. Tē thōŋ yok ye löŋ, ke wek aa cît kœc cî thou tēnē löŋ rin wek aban guöp Raan cî lœc ku dœc. Ku ëmën wek aa kacke yen raan cî jœt thou yic, rin bî wek aa kœc puœth loi wēt Nhialic. ⁵ Wäär ŋœt pîir yok ciεŋdan thœr cî yo cak thîn, kœrœc ke cî löŋ tåau yopuœth aake lui apœi yogup. Ku aa kāk thou kek aake yeku ke looi ëbën. ⁶ Ku ëmën yok aaci bën bei löŋ thœr yic rin cî yok thou tēnē löŋ wäär yen mœc yo. Ku yok aa jœl luui dhël yam Wëi Nhialic, ku acie löŋ thœr cî gœt.

Löŋ ku adumuœm

⁷ Yenœ buk jål lueel ëmën? Ye löŋ yen adumuœm? Acie tēde! Na ye këya ayic, ŋuœt yœn akœc adumuœm ŋic tœn cîi yen ye löŋ. Rin ŋuœt akœc ŋic yen kœrœc wîny kēnē raandä yîpuœu tœn kœc löŋ ye lœk yœn ëlä, “Duk kœn raandä wïc yapuœu.” ⁸ Ku adumuœm aci löŋ wel bî yen yœn a duœŋ ba puœu ayiœk kākœk. Ku na cie löŋ ŋuœt acin adumuœm. ⁹ Wäthœr, yœn a ya ciœŋ ke ya kuc kë ye löŋ lueel. Ku wäär le yœn löŋ ŋic, aca bën yœk yapuœu lœn cî yœn löŋ dhoŋ kœu ku ya raan ë thou. ¹⁰ Aca bën yœk lœn löŋ puœth wœn ŋiœc ke yen bî pîr bœi, aci bën a kœn thou bœi. ¹¹ Ku adumuœm aci löŋ wel bî yen ke yœn a duœŋ, ku rin löŋ, yœn aci adumuœm cœl athou.

¹² Ku ë cin kœrœc tœ löŋ yic, ee ye löŋ Nhialic la cœk ku pœth. ¹³ Ye këlä, lœn nadē ke këpath yen aci thou bœi tēnē ya? Acie këya! Adumuœm yen ë looi

ye. Acī kēpath lööm bī yen thou bēēi tēnē ya rin bī tērεεc yen thin, yen adumuōōm tic. Ku kēlä, rin ē löŋ, adumuōōm aye nyuōōth ke ye kērac apeidit. ¹⁴ Aŋicku löŋ ē bēn tēnē Wēi Nhialic, ku yen ē raan ē path, alony adumuōōm. ¹⁵ Yen acie kē ya looi ye deet yic, rin yen acie kē wiēc ba looi ye looi, ku aya looi ē kē maan ba looi. ¹⁶ Ku na luōoi kē cā wīc ba looi, ka ya gam lōn löŋ apath. ¹⁷ Kēya, acie yen ē kēnē looi ayic, ku adumuōōm rēēr ke ya. ¹⁸ Aŋiεc, acīn kēpuōth rēēr ke ya, rin cīt tē cī ya cak thīn kek adumuōōm. Rin na cōk alōn wīc yen ye ba kēpath looi, ka cā ē lēu ba looi. ¹⁹ Rin kē ya looi acie kēpuōth ya wīc ba looi, ku kēya kē cīi path cā ē wīc ba looi, yen aya looi. ²⁰ Ēmēn na ya looi kē cā wīc ba looi, ka cie yen ye looi, adumuōōm rēēr ke yen yen ē ye looi.

²¹ Kēya, aya yōk lōn luui löŋ kēnē. Tē wīc yen ye ba kēpath looi, ke kē cīi path yen ē rot tēēm thīn. ²² Ku piāndiē guōp anhiar löŋ Nhialic, ²³ ku yen ē löŋ dēt tūŋ ke lui yaguōp, löŋ cie la piny kek löŋ cī piāndiē gam. Ku yen ē ya cōl aye alony adumuōōm yen löŋ lui yaguōp kēnē. ²⁴ Yenō be kērac ya yōk kēlä! Yenā bā kony guōp ya yāth thou yic? ²⁵ Lecku Nhialic rin cī yen Bānyda Jethu raan cī lōc ku dōc, cōl akony ya.

Kēya, kēnē yen ē tēdiē, yen nhom piāndiē yic alony löŋ Nhialic, ku cīt tē cī ya cak thīn alony adumuōōm.

8

Pir Wēi Nhialic yic

¹ Ku këya, acin awuɔc ye tɛm kɔc cɨ ya tɔk kek Raan cɨ lɔc ku dɔc Jethu, ² rin lɔŋ yam, Wëi Nhialic ë pɨr bëi rin Jethu raan cɨ lɔc ku dɔc, acä wëer bei lɔŋ adumuɔm yic, lɔŋ thou. ³ Kën këc lɔŋ lëu bɨ looi rin tɛ cɨ ɣo cak thɨn ke ɣo cɨi ril rin adumuɔm, acɨ Nhialic looi ë tuuc cɨ yen Wënde nhom tuɔc ke ye raan cimënda, ku bɨ nɔk bā adumuɔm nyaai. Ku tɛ looi yen kënë, acä adumuɔm tɔ kɔc gup cɔl acin riɛl. ⁴ Kënë acɨ Nhialic looi rin bɨ luɔi wɨc lɔŋ dhiel la cɔk ɣogup ɣok kɔc pɨr Wëi Nhialic, ku acie tɛ cɨ ɣo cak thɨn. ⁵ Kɔc pɨr cɨt tɛ cɨ ke cak thɨn kek adumuɔm, aake nhɨim yiëk kāk ye tɛ cɨ cāk ke wɨc, ku kɔc pɨr cɨt tɛ wɨc lɔŋ Wëi, aake nhɨim täau kāk wɨc lɔŋ Wëi yiic. ⁶ Tɛ yik raan yenhom luɔi kāk adumuɔm, ka thou. Ku na yik raan yenhom kë wɨc lɔŋ Wëi, ka yök pɨr ku döör. ⁷ Ku raan ë la ater kek Nhialic tɛ yik yen yenhom kāk luɔi adumuɔm rin acie lɔŋ Nhialic ye theek, ku acɨi lëu bɨ lɔŋ Nhialic theek. ⁸ Ku kɔc ye theek tɛ cɨ ɣo cak thɨn aacie Nhialic cɔl amit puɔu.

⁹ Ku këya wek aacɨi ciëŋ cɨt tɛ cɨ we cak thɨn, wek aa ciëŋ cɨt tënë lɔŋ Wëi tɛ rëer Wëi Nhialic ke we ayic. Ku na ye raan cɨi rëer kek Wëi Jethu raan cɨ lɔc ku dɔc, ka cie raande. ¹⁰ Ku na rëer Raan cɨ lɔc ku dɔc kek we, ke guäpkun aacɨi thou rin adumuɔm ku wëikun aŋot ke pɨr rin cɨ ke looi bɨk la cɔk tënë Nhialic. ¹¹ Na Wëi Nhialic yen jɔt Jethu thou yic rëer kek we, ke raan jɔt Raan cɨ lɔc ku dɔc thou yic, ka bɨ guäpkun thou cɔl aa pɨr rin rëer Wëike wegup.

¹² Këya, miëthakäi ɣok aala kë dhilku looi, ku acie lɔn bɨ ɣok rëer pirdan thëer cɨ ɣo cak thɨn yic. ¹³ Rin

na piërkë cīt tē cī we cak thīn, ke wek aabī thou, ku na pälkë kärɛc yakë ke looi rin Wëi Nhialic, ke wek aabī pīr yök.

¹⁴ Kɔc ye Wëi Nhialic nyuöth, aa mīth Nhialic. ¹⁵ Rin Wëi cī Nhialic gām we acie we cəl aye bən ya aloony adumuööm, ku looi we bāk riöc. Ku Wëi Nhialic ë yo cəl aye mīth Nhialic, ku wek aaci Wëi Nhialic cī we looi bāk aa miëthke yök. Ku Wëi aci yo cəl aye Nhialic löŋ, “Wä! Wä!” ¹⁶ Aye Wëi Nhialic guöp kek wëikua lueel lön ye yok mīth Nhialic. ¹⁷ Ëmën ye yok miëthke, yok aabī kākken muk tēnë kacke thön. Ku kăpuöth muk rin Raan cī lɔc ku dɔc aya rin tē guum yok cīmēnde, ke duarde abī ya kēda aya.

Duaar aköldä

¹⁸ Aya tak lön kāk yeku guum piërda yic ëmën, aaci kəŋ thöŋ kek duaar bī Nhialic nyuöth yo, duaar bī rëer kek yo aköldä. ¹⁹ Kāk cī Nhialic cak pinynhom ëbën aa rëer ke n̄öth apɛi, ke tit aköl bī Nhialic miëthke nyuöth. ²⁰ Ku kāk cī cak, kɔc pinynhom aake bī rëer ke cī puöth mum, ku aacie kek ke cī yen tak, ee Nhialic yen loi ye këya. Ku n̄öth kēnë ë ŋot tō thīn. ²¹ Ku kāk cī cak aabī waar aköldä rin bīk cī riäk, ku bīk lääu nomdīt mīth Nhialic rəm ke ke.

²² Rin anjicku agut cīt ëmën, kāk cī cak aa rëer ke dhiau ke rem, arɛɛm cīt arɛɛm tiŋ röp. ²³ Ku aacie kāk cī cak ë röt, yok kɔc cī Wëi yök ke ye mišc tuenj ë Nhialic, yok aa rëer yo dhiau yo rem puöth aya, ke yo tit apɛi tē bī Nhialic yo luöi thīn buk aa miëthke,

ku cəl guäpkua aa waar röt bĭk aa yam. ²⁴ Rin ë nĵth yen ë cəl ʒo apoth, ku na yeku kē nĵthku tĭŋ, ka cie nĵth acĭn. Rin ye ŋa kē tō kek ye nĵōth? ²⁵ Ku na yeku nĵōth kē cĭi tō ke ʒo, ka yeku tiit ke ʒo lir puōth.

²⁶ Ku cĭt mēn aya, Wēi Nhialic ë bēn aya ku kony ʒo rin ye ʒok cĭi ril, rin kuc ʒok tē dhil ʒok Nhialic rōōk thĭn, ke yeen ë Nhialic lōŋ riēnkua, ku lēŋ ke dhiau dhiēn cĭn wēl ye teet. ²⁷ Ku Nhialic yen kē rēēr raan puōu tĭŋ, aŋic kē lueel Wēike, rin Wēike ë rōōk rin kacke cĭt tē wĭc Nhialic ye thĭn. ²⁸ Ku aŋicku kēriēēc ëbēn yic, Nhialic ë luui kăpath rin koc nhiar ye, koc cĭ cəl bĭk kēden wĭc looi. ²⁹ Koc kek cĭ Nhialic lōc thēer, aacĭ looi aya bĭk ciēt Wēnde, ku bĭ Wēnde a kaai wāmăthakēn juēc yiic. ³⁰ Kēya, Nhialic acĭ koc cĭ lōc cəl ku looi ke bĭk la cōk tēnē ye, ku koc cĭ cəl aala cōk tēnē ye aacĭ la duarde aya.

³¹ Kēya, yeŋō buk lueel rin ë kēnē? Na Nhialic akăac kek ʒo, ke yeŋa bĭ ʒo maan? ³² Na Nhialic akēc Wēnde nhom guōp ŋuăän wăär ku cəl athou riēnkua ëbēn. Na cĭ ʒo găm Wēnde, ke cĭi ʒo bĭ găm kăŋ ëbēn ë path aya? ³³ Yeŋa bĭ la wēt bĭ luēel koc cĭ Nhialic lōc gup? Ee Nhialic nhom guōp yen acĭ ye lueel lōn le kek cōk tēnē ye. ³⁴ Le raan dēt lēu ye bĭ ke tēm awuōc? Acĭn raan agut Jethu aya raan cĭ lōc ku dōc cĭ thou, ku jōt raŋ yic bĭ bēn pĭr, ku arēēr kōŋ cuēc Nhialic, ee Nhialic lōŋ riēnkua. ³⁵ Yeŋa bĭ ʒo tēk bei nhiēr Raan cĭ lōc ku dōc yic? Lēu aliăap, tēdē ba gum rin ye yĭn raan cĭ gam, ayĭ nĵōŋ, ayĭ riōōc rin kăreec, ayĭ lōn bĭ yĭ nōk ba thou? ³⁶ Cimēn cĭ ye gōt athōr thēer wēl Nhialic yic ëlă,

“Rin wëtdu yok aa rëer kāk
nāk yook yiic akōl thok ëbën,
yok aaye looi cīmën amël la teem röt.”

³⁷ Acie tēde, kākā yiic ëbën yok aala riel dīt ye
yok kāñ tiaam rin raan yen nhiar yo. ³⁸ Rin aḡiεc
alanden lōn acīn ke tēk yo bei nhiērde yic. Cok
athou ayi pīr, cok atuuc nhial ayi jakrεc, cok aa kāk
loi röt emën, ayi kāk bī röt looi akōldā, ayi kākōk
ril. ³⁹ Ayi nhial, tēdēt wērdīt cok piiny, acīn kē lēu
ye kuat kākā yiic ëbën bī yo tēk bei nhiēr Nhialic
yic, yeen ë kēda rin Raan cī lōc ku dōc, Jethu Bānyda.

9

Nhialic ku kacke

¹ Kē ya lueel ë yic. Yēn acie jam lueth rin yēn ë
raan, Raan cī lōc ku dōc. Aye puändiēn mεc Wēi
Nhialic lēk ya apēi lōn yēn acīi lueth luel. ² Rin dak
piändiē adīt apēi, ku tē reem piändiē thīn rin kackiē
acie yop. Yēn ajam rin kōc kuatdiē, kōc Itharel.
³ Ku na lēu rot ba ke kony, ḡōt awiēc bī Nhialic
ya tēm awuōc ku cā ben a raan Raan cī lōc ku dōc.
⁴ Keek aa kōc cī Nhialic lōc ku cōl ke aaye kacke, ku
nyuth ke duarde ku looi dōōr ke ke ku gēm ke lōñ.
Ku nyuth ke tē bī kek ye aa duōōr thīn apath. Ku
yōkkē kāk cī Nhialic thōn ke. ⁵ Keek aa ke ye kuat
kōc ḡic thεεr. Ku Raan cī lōc ku dōc, wāār cī yen
jāl a raan cīmēnda ë ye raan kuatden. Raan ëbën
adhil Nhialic yen mεc kāñ ëbën a leec akōlriēc
ëbën. Yenakan.

⁶ Acā ye lueel lōn kē cī Nhialic thōn akēc rot looi.
Kē cī Nhialic thōn acī rot dhiel looi, rin acie kōc

Itharel kek ke cī Nhialic lɔc ebēn. ⁷ Acī Nhialic lueel tēnē Abaram, “Aacie mīth ebēn bī dhiēēth tēnē yī kek bī ya mīth Nhialic, aa mīth bī dhiēēth many Itharel kek aabī ya miēthku kek ca thōn yī.” ⁸ Kēya, aye kēnē nyooth lɔn aacie mīth bī dhiēēth Abaram ebēn kek ke bī ya mīth Nhialic, aa mīth ke cī Nhialic thōn ye kek aake bī ya miēthke. ⁹ Kēnē cī Nhialic lueel akīn wāār thōn yen wēt tēnē Abaram, “Tē le akālde bēn, ke ɣen abī dhuk ku Thara abī manh moc yōk.”

¹⁰ Kē cīt ē wēt kēnē aya, mīth Rabeka karou, wunden ē ye tōk, wādītta Ithāk.

¹¹⁻¹² Acī Nhialic lueel tēnē Rabeka, “Wēndun dīt yen abī ya luui tēnē wēndun koor.” Acī kēnē lueel rin bī nyooth lɔn kē cī yen raan tōk lɔc keyiic ku pēl raan dēt, ee wīc piānde ē rot bī looi kēya. Nhialic ē luel wēt kēnē tēnē Rabeka, ke Rabeka kēc mīth cak dhiēēth, ke cīn kēpath ku kērɛɛ cī ŋek looi. Kēnē cī rot looi ē kē cī Nhialic raan tōk cɔl ku pēl raan dēt. Ku acie kēnē cī ŋek looi kamken. ¹³ Cīmēn ye athōr thɛɛr wēl Nhialic ye lueel ēlā, “Jakop aca lɔc ku kuɛɛ Ethau.”

¹⁴ Abī kɔc kōk aa lueel lɔn Nhialic acīn yic, ku acie tēde. ¹⁵ Rin acī Nhialic lueel tēnē Mothith ēlā, “Na wiēc ba raan dēt ŋuāān, ka luɔɔi, na wiēc ba puōu lōny tēnē raan dēt, ka luɔɔi aya.” ¹⁶ Kēya, acie kē wīc raan, tēde kē ye looi, ee liɛr puōu ē Nhialic. ¹⁷ Rin acī Nhialic lueel wēl thɛɛr cī gōt yiic tēnē bēny Ijip ēlā, “Yīn aca looi ba ya bēny rin bī riēldiē yī nyuɔth, rin bī kɔc pinynhom ebēn ɣa piŋ.” ¹⁸ Kēya, na wīc

Nhialic bī raan ŋuään, ka looi. Ku na wïc raan dët bī cɔl aril nhom, ka looi aya.

Nhialic ë kɔc ŋuään ku tēm kɔc awuɔc

¹⁹ Tëdët ɣen abī raan dët thiëec ëlä, “Na ye yen tē ye Nhialic luui thīn akan, ke yeŋö ye yen raan tēm awuɔc? Ku yeŋa lëu ye ku bī kē wïc Nhialic jöony?”

²⁰ Ye tak ye yīn ë ŋa ba yīnhom jääm kē cī Nhialic looi? Töny acie tiŋ cuëc ye ye thiëec, “Yeŋö cuëec yīn ɣa këlä?” ²¹ Tiŋ cuëc töny ala yic bī tiɔp cuëec tēden wïc yepuɔu, ee töny karou cuëec ë tiəm tōŋ yic, amuc yen jööl muɔɔc ku töony ye yen luui baai ë path.

²² Kē cī Nhialic looi athōŋ kek ë kënë. Awïc bī riääk piände nyuɔɔth ku cɔl rielde aŋic. Ku ŋot pël yepuɔu piny tēnë kɔc rɛɛc yen puɔu thīn, kɔc rëër ke bī tēm awuɔcdit apɛi. ²³ Ku ee wïc aya bī duaarden dīt nyuɔth ɣo, duaarden dīt cī yen ɣo mat thīn ɣok kɔcken cī ŋuään. ɣok kɔcken cī guuir thɛer buk duaarde yök. ²⁴ Ku ɣok kɔc cī cɔl ɣok aa ɣo la yiic kɔc Itharel ku kɔc cie kɔc Itharel aya. ²⁵ Ku kënë cī Nhialic lueel akīn, kē cī gät athör ɣocia yic raan kāk Nhialic tiŋ,

“Aba cɔl kackië,
të jīɛɛm ɣen kɔc cie kackië ayic.
Aba cɔl kɔckiën nhiaar,
të jīɛɛm ɣen rin kɔc cā ke nhiaar.”

²⁶ Ku tēnë yen acī Nhialic ye lueel thīn ëlä,
“Wek aacie kackië,
tëŋn aabī cɔl ka wëët Nhialic tō pīr yecin.”

²⁷⁻²⁸ Ku Ithaya raan kāk Nhialic tiŋ acī jam apɛi thɛer rin kɔc Itharel ëlä,

“Na cək kəc Itharel juəc abik ciət liɛɛt agör,
ka kəc lik keyiic kek aabi poth,
rin Nhialic abı luk lac looi luŋ cii yeyic dhuk tənə
kəc pinynhom ebən.”

²⁹ Acit wət cı Ithaya raan kək Nhialic tıŋ lueel
wäthɛɛr əlä,
“Na Nhialic Madhəl kəc ɣook nyän kəc ɛ kuatda yic,
ŋuət ɣok aaci ciət kəc gen Thodom ku Gomora.”*

Wət Puəth Yam ee luel tənə kəc Itharel aya

³⁰ Kənə yen ɛ luɛɛl, “Ee kəc kəc cie kəc Itharel
them bik la cök tənə Nhialic. Ku aaci Nhialic bən
cəl aa la cök rin cı kek ye gam. ³¹ Ku ɛcı kəc Itharel
them bik la cök Nhialic nhom rin thək ɛ löŋ, ku acın
kə cik bən yök.” ³² Ku raan dət abı thiəc əlä, “Yeŋö
cın yen kə cik yök?” Acın kə cik yök rin acik them
bik looi ɛ röt ku cik Nhialic gam. Kəya, aa cıt kəc
cı kecök dɛɛny alɛl, ³³ alɛl yen ye athör thɛɛr wəl
Nhialic jam ye əlä,
“Piɛŋkə apath, ɣɛn abä alɛl bi kəc cəl aaye kecök
dɛɛny.

Töŋu Jeruthalem, alɛl bi kəc cəl awiɛk.
Ku raan bi wətde gam acıi bi rac puəu.”

10

¹ Miəthakäi, kə wic piändiɛ ku röökkiɛ tənə
Nhialic riɛnken, ee lən bi kəckiɛn Itharel ŋic tɛ bi
Nhialic ke kuony thın. ² Aləu ba ya raan ŋic ye lən
awickə bik luui apɛi bik Nhialic cəl amit puəu tənə
ke. Ku dhəl ye kek ye wic bik Nhialic cəl amit puəu,
acik ye deet yic apath. ³ Ku rin kəc kek dhəl ye

9:27-28 Ith 10:22-23 * **9:29** Kəc Thodom ku Gomora aake cı
Nhialic cəl aa nyuəp bik thou ebən rin kərəc yekə looi, tıŋ Ith 1:9
9:33 Ith 28:16

Nhialic kɔc cɔl aala cɔk tɛnɛ ye deet, acik them bik dhɛl yɔk ɛ rɔt, dhɛl bi ke cɔl aala cɔk tɛnɛ Nhialic. Ku aa kɛc dhɛl ye Nhialic kɔc cɔl aala cɔk tɛnɛ ye gam. ⁴ Ku Raan ci lɔc ku dɔc yen aye lɔŋ thɔk thɪn. Ku kɛya, Nhialic ɛ kuat raan ci gam ɛbɛn cɔl ala cɔk tɛnɛ ye.

Acin raan cii Nhialic ye kony

⁵ Mothith aci tɛ ye kɔc la cɔk thɪn tɛnɛ Nhialic tɛ theek ɛ lɔŋ gɔt ɛlɛ, “Na loi raan kɛ ye lɔŋ lueel, ke yeen abi lɔŋ cɔl apir.” ⁶ Kɛ ye wɛl Nhialic ci gɔt thɛɛr lueel rin bi raan la cɔk tɛnɛ Nhialic rin gam akɪn, “Duk rot ye thiɛɛc, yeŋa bi la pan Nhialic.” Rin bi yen Raan ci lɔc ku dɔc la thiɛɛc bi bɛn piny tɛnɛ ɣo. ⁷ “Duk rot ye thiɛɛc aya, yeŋa bi la piny.” Ku wɛtde yic bi Raan ci lɔc ku dɔc la bɛɛi bei kam kɔc ci thou. ⁸ Kɛ ye wɛl Nhialic ci gɔt thɛɛr lueel akɪn, “Wɛt Nhialic athiɔk kek yi, arɛɛr yi thok ku yipuɔu.” Ku kɛnɛ yen ɛ wɛt tɔŋ yeku lɛk we. ⁹ Na ye lueel kɔc nhɪim ɛlɛ, “Jethu ɛ Bɛny ku gam yipuɔu lɔn ci Nhialic ye jɔt thou yic, ke Nhialic abi kony. ¹⁰ Gam ɛ bɛn bei ɣopuɔth ku cɔl ɣo aala cɔk tɛnɛ Nhialic, ku luel ye ɣok gam lueel ɣothook kɔc nhɪim aye Nhialic ɣo kony.” ¹¹ Cimɛn ci ye gɔt athɔr thɛɛr wɛl Nhialic yic ɛlɛ, “Ku raan bi wɛtde gam acii bi rac puɔu.” ¹² Kɛnɛ atɔ raan ɛbɛn thɪn, rin Nhialic Bɛny athɔŋ tɛnɛ kɔc ɛbɛn, kɔc Itharel ku cie kɔc Itharel aya. Ku ɛ kɔc rɔok tɛnɛ ye ɛbɛn gɛm kɛjuɛc path apɛi. ¹³ Cimɛn ye wɛl Nhialic ci gɔt thɛɛr ye lueel ɛlɛ, “Na le raan Bɛny cɔl ke yen akony Bɛny.”

14 Ku yeen acik bi cööl ayic tē kēc kek gam. Ku keek aaciī bi gam tē kēc kek wēt piŋ. Ku wēt acik bi piŋ tē kēc ye lēk ke. 15 Ku bik wēt piŋ kēdē tē cīn yen raan ci tuōc ke. Cīmēn ci ye gōt athōr thēer wēl Nhialic yic ēlä, “Ee kēpath apēi, kōc biī wēt puōth yam aa bō.” 16 Ku acie raan ēbēn yen ci Wēt Puōth Yam gam. Acī Ithaya nhom guōp lueel ēlä, “Bēny yeŋa ci wētda gam?” 17 Kēya, keek aa wēt kaŋ piŋ tuēŋ ku jōlkē gam. Ku wēt kēnē aye piŋ tē piōōc kōc rin Raan ci lōc ku dōc.

18 Ku ē yic alanden, keek aaci wēt piŋ. Cīmēn ci ye gōt athōr thēer wēl Nhialic yic ēlä,
 “Wēl cik lueel apēi aaci thiēi piny.
 Wēl thuōŋden aaci yet pinynhom ēbēn.”

19 Ku kōc Itharel guōp ē ŋickē. Mothith nhom ke jam nyin Nhialic, yen abi ye kaŋ lueel,
 “Wek wundiēn Itharel, wek aaba cōl adōm tiēel.
 Rin kōc cīi cōk a wut, wek aaba cōl ariāāk puōth rin kōc wun cīn kē cik deet.”

20 Ku jam Ithaya nyin Nhialic, ku gei yic ēlä,
 “Yēn aci kōc ke cīi yēn wīc yōk.
 Yēn aci rot nyuōth kōc ke cie yēn ē thiēēc.”

21 Ku aci lēk yō lōn ci Nhialic ye lueel rin kōc Itharel ēlä,
 “Yēn acā cin taar akōl thok ēbēn tēnē kōc dhēl yēn,
 kōc cie wēt diē ye piŋ.”

11

Nhialic ē ŋuāānde nyuōth kōc Itharel

1 Kē thiēēc, cīi Nhialic kuc kacke? Acie tēde. Yēn nhom guōp, yēn ē raan Itharel, yēn ē raan kuat

Abaram, raan many Benjamin. ² Nhalic akēc kuc kacke, koc yen loc ke theer. Wek aa ηic kāk cī gōt athōr theer wēl Nhalic yic, kāwāār ye Elija Nhalic cōol rin kāreε cī koc Itharel looi, ³ “Bēny, keek aaci koc kākku tīη nōk ku thurkē ariākku piny, ee ηen raan tōη kākku tīη cī dōη, ku keek awickē bik ya nōk.” ⁴ Ku tē cī Nhalic ye bēer thīn tēnē ye akīn, “Ku ηen aci rōōr tiim kadhrou cōl arēer kek ya, rōōr kēc jōη cōl Baal ye koc kōk cōl aye Nhalicden kaη door.” ⁵ Ēmēn kē thōη kek ē kēnē aci rot looi, Nhalic aci koc lik loc rin dhēēηde. ⁶ Nhalic acie koc ē loc rin kāk cik looi. Rin na Nhalic ē koc loc rin kāk cik ke looi, ke ηuōt aci dhēēηde ye nyuōth acīn.

⁷ Ku ē yic koc Itharel aa kēc kēnē yen wickē apeī yōk, ku aa koc ke cī Nhalic loc kek aaci ye yōk. Ku Nhalic aci koc kōk looi bik kē ye lueel cīi piη.

⁸ Cīmēn cī ye gōt athōr theer wēl Nhalic yic ēlā,
 “Keek aaci Nhalic looi bik kāη cīi ye deet yiic agut
 cit akōlē,
 aacit koc cie piη ku cōrkē.”

⁹ Ku aye Debit lueel,
 “ηen ee rōōk tēnē Nhalic
 lōn bī yen ke deep ku dōm keek yāiken yiic.
 Bik wīik bī keek tēm awuōc.

¹⁰ Ku cōl Nhalic keek aa la nyīn dum bik ciēn kē
 yekē tīη.

Bī kākken reε yekē keek looi ciēt kāthiek kekōth.”

¹¹ Aluēel piāndiē ēbēn lōn na cōk alōn cī koc Itharel kecōk deeny bik wīik, ke keek aa kēc gēek piny. Ku rin cī kek adumuōm looi, ke kuōny Nhalic aci

bĕn tĕnĕ kȃc cie kȃc Itharel. Kĕnĕ aci rot looi rin bĭ tiεel kȃc Itharel nȃk ě rienken. ¹² Ku rin cĭ kȃc Itharel adumuššm looi, ke kȃc kȃk pinynhom aaci dȃoc. Ku rin kĕc kȃc Itharel kepušth yiĕk dhĕl pĭr, dȃcdĭt aci gam tĕnĕ kȃc cie kȃc Itharel. Ku bĭ dȃc jȃl dĭt kĕdĕ tĕ jȃl kȃc Itharel met thĭn.

Kȃc cie kȃc Itharel aabi kony

¹³ Kĕ luεel ěmĕn ě kĕ lĕk kȃc cie kȃc Itharel. Cĭmĕn ye ŷen atuny kȃc cie kȃc Itharel, ŷen abi nhiam luoi cĭ Nhialic yiĕk ŷa ba looi. ¹⁴ Tĕdĕ, ke ŷen abi kȃc kuatdiĕ cȃl adȃm tiεel, ku rin luoidiĕn ca looi, Nhialic abi kȃc kȃk kony keyiic. ¹⁵ Tĕwĕn cĭ Nhialic kuc ke, go kȃc kȃk pinynhom cȃl aala dȃšr kek ye. Ku tĕ le kȃc Itharel gam aya, ka bĭ ciĕt kȃc cĭ thou cĭ bĕn pĭr. ¹⁶ Na gem raan aban ayup tĕnĕ Nhialic, ka ayup ěbĕn ě kĕnĕ Nhialic aya. Ku na ye mei tim kȃk Nhialic ke kĕr aa kȃkke aya.*

¹⁷ Kĕr kȃk tim ye com cȃl Olip aaci ŷep wei, ku nuet kĕr Olip cil roor ě rot tĕden wĕn, ku jȃl dĭt apĕi abi ciĕt Olip ye com baai, ye ŷiεc muk apath. Kĕya, wek kȃc cie kȃc Itharel kȃk bĕn tĕnĕ kȃc Itharel, wek aa kȃpath yȃk thĭn aya cĭmĕn ye kĕr Olip piĕrden yȃk tĕnĕ Olip dĕt cĭ ye nuet yekšu.†

¹⁸ Kĕya, duškkĕ kȃc cĭ Nhialic ŷep wei cĭmĕn kĕr tim ye bui. Acĭn kĕnĕ yĭ cȃl anhiam, acie yĭn meei looi bĭ riεl, ee meei yen ě yĭ looi ba riεl. ¹⁹ Abĭ raan dĕt kamkun lueel ělȃ, “Kĕr aaci ŷep wei rin bĭ ŷo nuet nyĭĕnken yiic.” ²⁰ Kĕnĕ ě yic. Aaci ŷep wei rin

* **11:16** Paulo aluel kĕnĕ bĭ nyušth lȃn kȃc Itharel aa ŷot ke ye kȃc Nhialic, cȃk alȃn cĭ kušny gam kȃc cie kȃc Itharel ěmĕn. † **11:17** Kȃc cie kȃc Itharel aa kȃpath yȃk tĕnĕ kȃc Itharel cĭmĕn ye kuĕl ayi aciεek piĕrden yȃk tĕnĕ tim cĭ yen cil yekšu.

kɛc kek gam, ku dɔŋkɛ nyiɛnken yiic alanden rin cɪ wek gam. Ku duɔkkɛ nhiam ɛ kɛnɛ, riääckɛ kɛ bɪ bɛn. ²¹ Na kɛc Nhialic kɔc Itharel puɔl bɪ ke cɪ tɛm awuɔc, kɔc cɪt kɛr tim cɪ com baai ka cɪi we bɪ puɔl aya.

²² Ayeku tɪŋ ɛmɛn yen tɛ pɛth Nhialic thɪn, ku tɛ yen kɔc tɛm awuɔc thɪn. Ee kɔc ca adumuɔɔm looi tɛm awuɔc. Ku ɛ piath tɛnɛ yɪ tɛ ye yɪn rɛɛr ke yɪ ŋɔth piathde ku looi kāk ye cɔl apath puɔu tɛnɛ yɪ. Ku na cɪi kɛnɛ loi, ke Nhialic abɪ yɪ yɛp wei aya.

²³ Ku na dhuk kɔc Itharel kepuɔth ciɛɛn ku gamkɛ wɛt Nhialic, ka dhuk tɛden thɛɛr wäär yep ke wei thɪn, rin alɛu Nhialic bɪ ke bɛn dhuɔk thɪn. ²⁴ Kɛya, wek kɔc cie kɔc Itharel wek aa cɪt kɛr tim Olip cɪ yɛp bei Olip cil roor kɔu, ku nuɛɛt ke kek tim Olip ye com. Kɔc Itharel aa cɪt tim cɪ com kɛnɛ, ku abɪ yic pial tɛnɛ Nhialic bɪ kɛr cɪ yɛp wei bɛn nuɛɛt kek tim yɛp ke bei thɪn.

Kɔc Itharel ɛbɛn aabɪ kony

²⁵ Ala yic kɛckɛ kaŋ ŋic wāmāthkiɛ wiɛc ku bāk ŋic. Na ŋiɛckɛ ɛ yiny kɛnɛ, ka cāk bɪ ya tak piāthkun ku luɛlkɛ, “Ÿok aa ŋic kǎŋ.” Ku yiny kɛnɛ akɪn. Wɛt cɪ kɔc kɔk Itharel kuc bɪk cɪi gɛm acɪi bɪ tɔ thɪn akɔlakɔl, abɪ rɛɛr thɪn yet akɔl bɪ akuɛn kɔc cie kɔc Itharel wɪc Nhialic bɛn bäänyde yic tɛnɛ ye. ²⁶ Ku ɛ yen tɛ bɪ Nhialic kɔc Itharel ɛbɛn kuɔny thɪn, cimɛn ye athɔr thɛɛr wɛl Nhialic ye lueel ɛlä,

“Raan luäk kɔc abɪ bɛn Jeruthalem ku nyɛɛi adumuɔɔm kɔc Itharel gup.

²⁷ Ku lueel Nhialic, ŷɛn abɪ dɔɔr kɛnɛ looi ke keek, tɛ le ŷɛn adumuɔɔmken nyaai.”

28 Rin cī kek kuc Wət Puəth Yam, aaci ya kɔc ater tənē Nhialic, ku kənē aci rot wel ke ye kuəny tənē we, wek kɔc cie kɔc Itharel. Ku rin cī Nhialic ke lɔc, aci wärken dit thən lɔn kuatden aabi ya mähke akölaköl. 29 Rin Nhialic acie yenhom ē waar tənē kɔc cī lɔc ku dɔc ke. 30 Ku wek kɔc cie kɔc Itharel, wek aa we cī kuc Nhialic wäthεεr, ku emēn wek aaci Nhialic ŋuään rin cī kɔc Itharel Nhialic dhəl. 31 Kälä aya, rin ŋuään cäk yök, ke kɔc Itharel aa dhäl Nhialic emēn, rin bī kek ŋuään yök emēn aya. 32 Nhialic aci kɔc ebēn cɔl aa cīt kɔc cī mac rin cī kek ye dhəl guəp, ku bī ŋuäände nyuəth ke ebēn.

Yok aa dhil Nhialic leec

33 Käpuəth Nhialic aa juēc apsi. Ku yeen acin kənē ye wuəəŋ, aŋic kəŋ ebēn. Yeŋa lēu ye bī tē yen tek thīn teet yic? Acin raan lēu ye bī tē yen kärke luəəi thīn deet yic. 34 Cīmēn ye athör thεεr wəl Nhialic ye lueel elä,

“Acin raan ŋic tē ye Bēny tek thīn, acin raan lēu yeen bī Bēny wēt?”

35 “Acin raan lēu yeen bī Nhialic gäm kədāŋ, rin bī Nhialic yeen kəəny.”

36 Rin ē Nhialic yen ē cak kəriēec ebēn, ku ē yen amuk kəriēec ebēn, ku kəriēec ebēn aa tō thīn ē rienke. Yok aa dhil Nhialic leec aköriēec ebēn! Yenakan.

12

Yok aa pīr rin bī yok Nhialic luəəi

1 Kēya miəthakāi, rin cī Nhialic yo nyuəth lier ē piānde, alək we piändiē ebēn, tē juēr wek röt Nhialic

11:33 Ith 55:8

11:34 Ith 40:13

11:35 Jop 41:11

11:36

1Kor 8:6

bäk ciët kē nek ye, ku week ke we püir, ke we loi ë kēnē bāk aa kākke alanden. Kēnē yen ë dhël dhil wek Nhialic door wepuõth. ² Duõkkē tē ye koc pinynhom ë tēn luui thīn ye buõth yic, calkē Nhialic awar wepuõth papot, bī we gām nhom yam ku bāk kē wīc Nhialic ηic, ku kē wīc Nhialic ë kēpēth ye cāl amit puõu, ku le cök.

³ Ku rin dhēēη puõth cī Nhialic yiëk γa, alëk we ëbēn. Duõkkē ye tak lōn ye wek kocdīt wēr koc kōk ηīny kāη, tēn tē rēer wek thīn emēn wek koc ë path, ku ye ηek rot tōõu tēden thōη kek gam cī Nhialic yiëk ye. ⁴ γok aa le ηek ke guõp, ku guõp ala kājuēc, ku kākka aa ye tōk la kēden ye looi. ⁵ Kēlä aya, γok aa juēc, ku γok aa cīt guäp tōk rin γok aa tōk kek Raan cī lōc ku dōc, γok aaci mat ë tōk cimēn kāk cīi thōη tō guäp tōk yic. ⁶ Kēya, ηek kamkua adhīl kē cī gām ye luõi tēcīt tē cī Nhialic ye gām ye bī looi. Na ye kē cī Nhialic gām γo lōn bī γok wētde lēk koc, ka dhilku looi tēcīt tē dīit gamdan cī Nhialic yiëk γo thīn. ⁷ Na cī Nhialic γo cāl aye koc luõi, ka dhilku kony. Na cī γo cāl aye piõc, ke γok aa piõc. ⁸ Na cī γo looi buk koc kōk aa dēet puõth, ka dhil looi kēya. Raan kē tōu kek ye tek kek koc kōk, adhīl looi puõn biõkrueel. Raan cī Nhialic yiëk riel bī yen koc mac adhīl looi puõu ëbēn, ku raan lier puõu nyuõth tēnē koc kōk, adhīl looi ke dal, ke mit puõu.

⁹ Duõkkē röt ye nyuõth ciët we nhīar koc, dhīelkē koc nhīaar puõu ëbēn. Mankē kērac ku muõkkē kēpath riel. ¹⁰ Nhiarkē röt piäthkun ëbēn cimēn ηek ke wāmēnh, ku nyuõth tē ye yīn raan dēt thēek thīn,

ku duk tɛ bī yī thɛɛk thīn yīk yīnhom. ¹¹ Duɔkkɛ rɔt dak, luɔɔikɛ apɛi. Luɔɔikɛ Bɛny piān tɔk. ¹² Rɛɛrkɛ we mit puɔth tɛ cɔk kɔc kɔk we jɔɔr rin le wek ɲɔth, ku rɔɔkkɛ Nhialic akɔlakɔl. ¹³ Gāmkɛ kɔc cī gam kɛ wickɛ muɔkkɛ liu tɛnɛ ke. Ku luɔrkɛ jɔɔl bɔ bāaikun yiic.

¹⁴ Rɔɔkkɛ Nhialic rin bī yen kɔc jɔr we dɔɔc, ku duɔkkɛ rɔɔk tɛnɛ ye rin bī yen ke tɛm awuɔc. ¹⁵ Mɛt puɔu kek kɔc kɔk mit puɔth, ku dhiaaukɛ kek kɔc dhiau. ¹⁶ Calkɛ ɣɛr piāndun athɔŋ tɛnɛ kɔc ɛbɛn. Duɔkkɛ nhiam, dhuɔkkɛ rɔt piny ku luɔɔikɛ tɛnɛ kɔc kor tɛnɛ we. Ku duɔkkɛ ye tak lɔn ɛ wek ɲic kǎŋ.

¹⁷ Na loi raan dɛt kɛrac tɛnɛ we, ke duɔkkɛ col kɛrɛɛc dɛt. Loi kɛ ye raan ɛbɛn tak ke path. ¹⁸ Luɔikɛ kǎpuɔth lɛukɛ ke bǎk ke looi rin bī wek ɲicɛ cɛŋ kek kɔc. ¹⁹ Duɔkkɛ kɛdǎŋ guur mǎthkiɛ, calkɛ aguur Nhialic. Rin aye Bɛny lueel athɔr wɛl thɛɛr yic ɛlǎ, “ɣɛn abī kɛrɛɛc cī kɔc kɔk looi guɔɔr.” ²⁰ Duɔkkɛ kɛnɛ kɔŋ looi, luɔikɛ kɛ ye athɔr thɛɛr wɛl Nhialic lueel, “Na raan atɛrdu anɛk cɔk, ke gǎm miɛth, na nɛk rou, ke gǎm kɛ dek, rin tɛ looi yīn kǎkkǎ ka ba cɔl ayǎr guɔp.” ²¹ Duɔkkɛ kɛrac cɔl arum wepuɔth, luɔikɛ kɛpath bī wek kǎrɛc gɛl wei.

13

Raan adhil kɔc mac baai theek

¹ Week ɛbɛn wek aa dhil bǎny mɛc baai theek rin acīn raan kɔc mac tɛ kɛc Nhialic ye gam bī kɔc mac. Ee Nhialic yen ɛ kɔc yīɛk bǎāny. ² Kɛya, raan

12:14 Mt 5:44; Lk 6:28

12:16 Kɛŋ 3:7

12:19 L.rou 32:35

12:20 Kɛŋ 25:21-22

cie wët bëny mec baai ë gam, ee bääny cï Nhialic gam dhäl yic, ku raan loi kë cît kënë abï tëm awuöc. ³Rin bëny aaciï koc käpath looi ye riöc, aa koc kärec looi kek aa riöc ke. Ye looi këpath yen abï bëny yï aleec. ⁴Rin yen aluui Nhialic käpath kony yen yï, ku na loi kärec, ke yï riöc ye rin riel tã kek ye aciï muk ë path. Rin bëny ë Nhialic luösi ku nyooth riäak puöu Nhialic, ku tëm koc kärec looi awuöc. Ee koc awuöc looi cäl agum. ⁵Këya, wek aa dhil bëny theek ku acie rin ë wët kënë rot, ku yeen aya anjæckë wepuöth lön ë kë dhielkë looi. ⁶Kënë yen ë wët dhil wek ajuër tääu piny aya, rin bëny aa luui tënë Nhialic tã looi kek luöiden ë cök bik koc mac. ⁷Tääu ajuër piny ajuër yen ba juaar tënë ke, ku nyuöthkë athëkdun ëbën tënë bëny.

Koc aa dhil röt nhiaar ë kamken

⁸Duökkë röt cäl aköony raan dët, kë tã thïn ë tök yen adhil looi, ku ë kë bi wek röt nhiaar kamkun, ku raan nhiaar koc ëbën ë kë wïc löñ yen aye looi. ⁹Lööñkä, “Duk akor loi, duk raan näk, duk cuëer, duk kënë raandä wïc yipuöu,” lööñkä ku lööñ käk aa met löñ töñ ye lueel ëlä, “Yïn adhil koc ëbën nhiaar cimën nhiëer yïn rot.” ¹⁰Raan nhiaar raan dët ka cïn kërec ye raan kënë looi tënë ye. Këya raan nhiaar koc käk, ee kë wïc löñ yen aye looi.

¹¹Wek aa dhil kënë looi rin anjæckë lön aköl dhil wek nhüim tir aci bën. Rin aköl bi Nhialic yo kony aci thiök ëmën tën tëwäär tueñ gem yok wët. ¹²Acit lön nadë ke waköu athök ku aköl abö, päлку kärec yeke looi muöth yic waköu, ku këya lömkë käk bi yo cäl apir apath aköl bi Jethu dhuk.

13 Ƴok aa dhil rɔt mac apath cīmēn kɔc ɛ rēer Ƴer yic akɔl cīn kē yekē thiaan. Wek aacīi rɔt met akut luui kārɛc yic, kārɛc cīmēn wīɛɛt ɛ māāu ku wīny ɛ diāār. Ku duɔkkē ater ye looi ku tiɛlkē rɔt kamkun. ¹⁴ Lɔmkē Bēny Jethu Krītho, bī thiāāk ke we. Duɔkkē wepuɔth ye yiēk kāk we cɔl aloi adumuɔm, bāk kēnē yen wīc piāndun looi.

14

Duk kɔc kāk cī gam luk wei

¹ Gamkē raan koor gamde bī rēer ke we, ku duɔkkē ye teer ke ke kāk yekē tak, kāk cīi ril. ² Gam raan dēt, ee ye cɔl acam kuat miēth ɛ path, ku raan koor gamde acīn kuat rīŋ ye cuet. ³ Ku raan cīn kēn ye yen ke kuc bī cam, acīi raan kuc mīith kōk dhāl guɔp. Ku raan kuc mīith kōk acīi raan cīn kēn ɛ yen kuc bī cam ye yōk lɔn ɛ yen kērac looi, rin kē ye raan cīn kēn ye yen kuc looi acī Nhialic gam. ⁴ Ye yīn ɛ ŋa, ba kē cī alony raan dēt looi, lueel ke yic, tēdē ke cie yic? Ee wun alony yen alēu ye bī lueel lɔn le aluonyde cōk ku lɔn cīi yen la cōk. Ku yen abī la cōk rin abī Bēny cɔl ala cōk.

⁵ Aye kɔc kāk tak lɔn ala akɔl dīt tēnē aakōōl kāk, ku aye kɔc kāk tak lɔn akōōl aa thōŋ ɛbēn. Nɛk adhīl kē ye yen ye tak kēya ŋic apath. ⁶ Raan kēn looi aye looi rin wīc yen Bēny bī theek. Ku raan cīn kēnē ɛ yen ke kuc bī cam, aye looi rin wīc yen ye bī athēɛk nyuɔth tēnē Bēny, rin ɛ Nhialic leec rin miēth. Ku raan kuc bī mīith kōk cīi cam aye looi kēya rin athēɛk tēnē Bēny, ku athēɛk gām Nhialic.

⁷ Acin raan tök kamkua p̄ir rienke ë rot, ku na thou raan acie thou rienke ë rot. ⁸ Na p̄irku ke rin Bëny, ku na thouku, ke rin Bëny aya. Të p̄ir yok ayi tē thou yok, ke yok aa kac ë Bëny. ⁹ Rin Raan cī lōc ku dōc acī thou ku jōt rot bī p̄ir rin bī yen a Bëny kac p̄ir ku kac cī thou. ¹⁰ Ku këya, yenjö ye wek miëthakun luök wei, tädë ke dhälkë gup, rin yook yodhie yok aabī kööc Nhialic nhom luk yic aköldä. ¹¹ Cīmën ye athör theer wël Bëny cī göt ye lueel ëlä,
“Cīmën p̄ir yen ayic, aluεel alanden lōn raan ëbën abä door.

Ku abī raan ëbën lueel lōn ye yen Nhialic.”

¹² Këya, ηek yoyiic abī Nhialic ya tēt këden cī looi, ku ye rin ηö yen looi yen ye.

Duk kac cī gam thöoc adumuööm yic

¹³ Yok aacī röt dhil tēm awuöc kamkua, ku duk kë bī raan dēt cōl aloi awuöc loi. ¹⁴ Ku rin ye yen raan buōth Bëny Jethu anjiec alanden lōn acin miëth rëec yetök ë rot. Ku na gem raan lōn miëth arac, ka rac tēnë ye. ¹⁵ Na cōl wāmuuth arac puöu rin ciem yin miëth ye tak lōn rëec yen, ka ye kë loi nyuöōth lōn yeen acī nhia. Ku duk wāmuuth cī Raan cī lōc ku dōc thou rienke rēc miëth ye cam. ¹⁶ Duk tē ye yin kākku path luöoi thīn cōl aye kac kök tak lōn rëec yen. ¹⁷ Rin bääny Nhialic acie cām ku dök, ee la cök ku döör ku miēt puöu ye Wëi Nhialic gam. ¹⁸ Ku kuat raan, Raan cī lōc ku dōc luöoi këlä ë Nhialic cōl amit puöu, ku cōl raan ëbën agam këden ye looi.

¹⁹ Këya, adhilku them buk kāk kac këk nyaai ku loiku kāk kac kök kony bīk riel gamden yic. ²⁰ Na ye këya, duk kë cī Nhialic looi rēc rin miëth, miith

aa path ëbën. Ku na ye raan dēt cəl aloi adumuööm rin kē ye cam, ka cīi path. ²¹ Kēpath akīn, duk riŋ cuet ku duk mōu dek, ku duk kuat kē bī wāmuuth cəl aloi adumuööm loi. ²² Kēya, kē ye tak ke path ë kākā, muk kamkun wek Nhialic. Na cīi raan ye lueel lən kē cī looi awuöc, tē looi yen kē ye tak ke ye yic, ke yeen amit puöu. ²³ Ku na ye raan puöu rou tē cəm yen kuat müith kōk, ka ye Nhialic cəl aye kērac yen looi tē cəm yen ye, rin acie gam yen cəl ye aloi ë kēnē. Ku na yeku kēdāŋ looi ëbën ke cīn gam, ke yeen adumuööm.

15

¹ ʏok kəc ril ë gamda yic, ʏok aadhil kəc cīi ril kony bīk la tuenŋ kek gamden apath, ku acie kēnē ʏo cəl amit puöth yen dhilku aa looi. ² ʏək ʏoyiic adhil wāmāāthdan cī gam luöi kēpath, kē bī yeen cəl amit puöu. ʏok aa dhil kēnē looi rin bī ʏok gamde cəl adhil riəl. ³ Rin Raan cī ləc ku dəc akēc kē cī looi looi rin bī yen ke puöu miət, cīmən ye athör thēer wəl Nhialic ye lueel ëlä, “Wäär let yī, lēēt aaci bēn aa kākkiē.” ⁴ Kēriēec ëbën cī gət athör thēer wəl Nhialic yic ë ʏo piöc, rin wəl thēer Nhialic aa ʏo cəl aŋöth, ku aa ʏo dēet puöth. ⁵ Bī Nhialic yen kəc cəl agum, ku deet kepuöth we yiək döör kamkun, cīmən ye wek kəc buöth Raan cī ləc ku dəc Jethu. ⁶ Rin week ëbën bāk Nhialic wun Bānyda Jethu Kritho aa leec.

Wēt Puöth Yam aci lək kəc cie kəc Itharel

⁷ Nhiarkē röt kamkun rin bī kəc ëbën Nhialic leec, luöikē kēnē cīmən tē cī Jethu we nhiaar thīn. ⁸ Rin alək we lən cī Raan cī ləc ku dəc a raan luui kəc Itharel, ku nyuth ke lən kē cī Nhialic lueel ë yic, rin

bī kāk cī thōn wārkuān dīt aa yith. ⁹ Ku dēt aya, bī kōc cie kōc Itharel cōl aa lec Nhialic rin lier piānde, cīmēn cī ye gōt athōr thēer wēl Nhialic yic ēlā, aci Bēny Debit lueel,

“Kēya, tē rēer γen kam kōc cie kōc Itharel ke wek ba gām lec.

Ku waak alεεc aba ket tēnē yīin.”

¹⁰ Ku ben athōr thēer wēl Nhialic lueel ēlā, “Mietkē puōth wek kōc cie kōc Itharel kek kōc cī Nhialic lōc.”

¹¹ Ku ben athōr thēer wēl Nhialic lueel aya, “Wuōt ēbēn aa dhil Bēny leec, ku kōc ēbēn aa dhil ye leec apēi.”

¹² Ku ben Ithaya lueel athōr thēer wēl Nhialic yic ēlā,

“Ala raan many Jethe wun Debit bī bēn.

Abī Nhialic looi bī ya Bēny kōc cie kōc Itharel.

Ku n̄athden abī tō tēnē yeen.”

¹³ Bī Nhialic n̄ōth bēxi ku cōl we athiān̄ miet puōu dīt apēi ku dōōr, cīmēn ye wek ye gam bī Wēi Nhialic we cōl aala n̄ōth dīt apēi.

Luoi Paulo kam kōc cie kōc Itharel

¹⁴ Wāmāthkiēn cī gam, γen nhom, aηiεc alanden lōn week nhīim wek aa path apēi, wek aa ηic kē bāk dhiel looi ku alēukē bāk rōt piōōc kamkun. ¹⁵ Wek aca gāt athōōr puōu ēbēn ke cīn kē muōōny rin kāk wiēc ba ke ben lēk we, rin dhēēn̄ cī Nhialic gām γa, ¹⁶ ba ya raan luui Jethu Krītho, ba luui rin kōc cie kōc Itharel. γen ē luoi kāk raan Nhialic looi tē lēk γen kōc Wēt Puōth Yam. Rin bī kōc cie kōc Itharel

15:9 2Tha 22:50; Wk 18:49
117:1 15:12 Ith 11:10

15:10 L.rou 32:43

15:11 Wk

ciët kē cī Nhialic door, kē cī Nhialic gam apei. Ku bī Wēi Nhialic ke cōl aye kacke.

¹⁷ Үен anhiam luōidiēn ya luōi Nhialic, rin cī Үен mat kek Raan cī lōc ku dōc Jethu. ¹⁸ Үен abī jam kāk cī Raan cī lōc ku dōc cōl aluōoi ē rōt, kāk ya lueel ku kāk ya looi aaci kōc cie kōc Itharel cōl athek Nhialic, ¹⁹ rin kārīl ku kāk kōc gōi, cī Wēi looi dhēl ril. Kēya, Үөн ca ke tēēk ēbēn jāl Jeruthalem ku wun cōl Dalmatia, Үен aci kōc lēk Wēt Puōth Yam rin Raan cī lōc ku dōc. ²⁰ Kēn yen tō Үapuōu ē tōk ē path, ee lōn ku ba kōc lēk Wēt Puōth Yam tē kēc rin Raan cī lōc ku dōc kaṅ piṅ thīn, rin bī ye cīi luel lōn ye yen luōi cī kōc kōk jōok yen luōoi.

²¹ Cīmēn cī ye gōt athōr thēer wēl Nhialic yic ēlā, “Kōc kēc kaṅ lēk wētde abīk tiṅ. Ku kōc kēc ye piṅ abīk deet yic.”

Awic Paulo bī la keny Roma

²² Ku rin ē wēt kēnē, aca them ku Үен aci pēēn arak juēc ba la tēnē we. ²³ Ku ēmēn cī Үен kē luōoi thōl tē rēer Үен thīn tēn, ku tēҮон wic Үен ye run juēc ba we la tiṅ, ²⁴ aṅāāth ba jāl looi ēmēn. Ku ēmēn le Үен Ithpeen, wek aa bar ba we tiṅ. Ku awiēc bāk ya kony ba Үet thīn, tē cī Үен kaṅ rēer ke we tēthinyōot. ²⁵ Ēmēn thiin Үен ala Jeruthalem ba kuōony la gam tēnē kōc Nhialic rēer thīn. ²⁶ Ku akuut kōc cī gam tō Mathedonia ku Gīrīk aaci puōth miēt, ku matkē bīk wēeu juaar tēnē kōc ṅōṅ kam kōc Nhialic tō Jeruthalem. ²⁷ Kek aa mat yeyic ē rōt bīk looi kēya, ku ē yic keek aa dhil kōc ṅōṅkā kony. Kōc Itharel aa kāpuōth yekē yōk tēnē Nhialic rin wēiken

rəm kek kəc cie kəc Itharel. Kəya, kəc cie kəc Itharel cī gam aa dhil kəc Itharel cī gam kony bīk ke yiək kək yekē wīc akōlakōl rin piērden. ²⁸ Tē cī γen kēnē thōl, ba ke gām wēēu ke cī kuōt yiic riēnken, ke γen abī la Ithpeen, ku wek aaba kaŋ neem ba jāl la Ithpeen. ²⁹ Tē yeet γen tēnē we, aŋiēc γen abī dōcdīt Raan cī lōc ku dōc la rəm ke we.

³⁰ Rin gamda tēnē Bēny Jethu raan cī kəc ku dōc, ku rin nhiēr cī Wēi Nhialic gām γo, wek aa lāŋ mātke rōt γen aterdiē yic bāk rōök kek γen apei tēnē Nhialic riēnkiē. ³¹ γen arōök bī kəc Judia kēc wēt Jethu Krītho gam γen cīi baŋ, ku bī kəc Nhialic tō Jeruthalem puōth miēt bīk kē ca looi bī γen ke kony gam. ³² Ku kəya, na wīc Nhialic, ke γen abī bēn tēnē we ke miēt puōu, ku mitku puōth nēm bī γo bēn puōc. ³³ γen arōök bī Nhialic yen ye γok dōr yōk thīn, rēer kek we ēbēn. Yenakan.

16

Paulo ē kəc Roma muōth

¹ Awiēc ba lēk we, lōn nyankāida Pobī luui akut kəc cī gam Kankēria ē raan path. ² Luorkē cimēn raan Bānyda, ku cīt tē ye kəc Nhialic rōt luor thīn kamken, ku yiēkkē kuat kuōny bī thiēc tēnē we. Yeen ē path tēnē kəc juēc, ayī γen aya.

³ γen ē Prithkila ku Akuila, kəc cī rōt māt γa buk luui rin Jethu raan cī lōc ku dōc, muōth apei, ⁴ kəc kēc diēr kē bī ke nōk riēnkiē. γen amit puōu tēnē ke apei. Ku acie γen ē rot, akuut kəc cie kəc Itharel cī gam aa mit puōth aya. ⁵ γen akut kəc cī gam, yenhom mat panden, muōth aya.

Ÿen   m thdi  Epanetuth, raan c  Raan c  lɔc ku dɔc kaŋ gam wun Athia, ⁶ ku Maria raan c  luui apei rienkun, aaca mu  th aya. ⁷ Andronikuth ku Juni th, kɔc Itharel cim ndi , w ar c  mac ke  a aaca mu th aya. Keek aa  ic apei rin ye kek atuuc aya, ku kek aake kɔŋ gam t n   a. ⁸ Mi thdi  t n  Ampliatuth, yeen   m thdi  apei, ku yeen aci rot m t B ny. ⁹ Mu th t n  Urbano, raandan lui rin Raan c  lɔc ku dɔc. Ku mu th aya t n  m thdi  apei, Ithakith. ¹⁰ Mu th t n  Apeleth, raan c  t  k  c yen th n kek Raan c  lɔc ku dɔc nyu  th k ril yiic. Ku mu th t n  kɔc many Arithtobuluth. ¹¹ Mu th t n   erodi n raandan Itharel ku w m thakua, kɔc c  gam many Narkithuth.

¹² Mi thdi  t n  Tripina ku Tripotha, di ar c  luui rin B ny ku t n  m thdi  apei Perthith raan c  luoidit looi rin B ny. ¹³ Ÿen   mu th tu c Ruputh raan  ic lu ide apei rin B ny ku t n  man, raan  en kony ak lak l ci t  a ye manhde. ¹⁴ Mi thdi  t n  Athinkrituth, Plegon,  ermath, Patrobath,  ermath ku w m thakua  b n c  gam r er ke ke. ¹⁵ Mu th t n  Pilologuth ku Julia ku t n  Nerioth kek nyank n, ku t n  Olimbath ku t n  kɔc c  gam r er kek   t k. ¹⁶ Mi thk  r t kamkun pu u  b n. Akuut kɔc c  gam  b n aa we tu c mi thden wek akut kɔc c  gam Roma.

Paulo   kɔc t  Roma l k k  dhilk  looi

¹⁷ Wek aa l k apei w m thki  b k nh im t r kɔc   kɔc tek yiic, ku r ck  kɔc nh im bik gamden c i muk apath, kɔc c i pi  cden   th ŋ kek t  c  we pi  c th n, du kk  r t ye thi k ke. ¹⁸ Rin kɔc k kk  looi aacie

luui rin Raan cī lōc ku dōc Bānyda, aa lui rienken ē rōt. Aa wēl mit apēi lueel, ku aa kōc cīn kāreç yekē ke looi wēēŋ. ¹⁹ Acī raan ēbēn piŋ yen tē muk wek wēt yam cāk gam thīn. Kēya wek aa ɣa cəl amit puōu apēi. Awiēc bāk kāpath ku kāreç kaŋ ŋic, ku bāk kāpath aa ŋic ku duōkkē rōt cəl aaye tōu luoi kērac yic. ²⁰ Ku Nhialic yen ye ɣok dōr yōk thīn abī riel jōŋrac rac, ku cəl adhuk wecōk ciēēn.

Ÿen arōōk bī Bānyda Jethu raan cī lōc ku dōc la tuēŋ ke nyuth we dhēēŋde. ²¹ Timothī, raandiēn luui ɣok ē tōk, ee we tuōc miāthde, ku yen lan Lukiōth, Jathon ku Thothipater kōckiēn Itharel. ²² Ÿen Tertiath, ɣen raan ɣa gāt wēl cī Paulo lueel athōr kēnē yic, wek aa ya tuōc miāthdiē ke ɣa ye raan cī gam aya.

²³ Gaiōth, raan rēer ɣen paande, ku yen ye akut kōc cī gam rōm thīn, ee we tuōc miāthde. Er-atuth, raan wēēu mir (akuma) mēç ɣeu muk ku wāmāāthda Kuartuth, aa week tuōc miāthden.

[²⁴ Bī dhēēŋ Bānyda Jethu raan cī lōc ku dōc rēer kek week ēbēn. Yenakan.]

Paulo ē lēç gam tēnē Nhialic

²⁵ Lecku Nhialic bī we looi bī gamdun riel. Yen ē kē ya lueel tē lēk ɣen kōc Wēt Yam rin Jethu raan cī lōc ku dōc, ku ē yen acī yic cī moony run juēc apēi nyuōth. ²⁶ Ku ēmēn kāk cī kōc kāk Nhialic tīŋ gōt aacī yiny kēnē cəl aŋic kōc juēc, acī Nhialic tō thīn tēɣon ku abī rēer thīn athēer lueel bī wuōt pinynhom ēbēn yic kēnē dhiel ŋic. Kēya, rin bī kōc ēbēn Nhialic gam ku thekkē.

²⁷ Tënë Nhialic tök, Nhialic këriëec ëbën yic, yen
njic këñ, aa leec. Kënë adhil rot looi akölrïëec ëbën
rin kë cï Jethu raan cï lɔc ku dɔc looi. Yenakan.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55